



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

6. Festum dulcissimi Nominis Jesu

[urn:nbn:de:hbz:466:1-52716](#)

Festivitas Gaudiosa Dulcissimi,
& Potentissimi SS. Nominis Jesu
Christi.

EXHORTATIUNCULA I.

Nomen Jesu insonat! flectamus genua, & nostra exultent pectora! in hoc SS. Nominis stat nostra tota salus, & gloria. Quis non revereatur, & diligit? O fili! stamus pro nomine nostro, nec in aliquo patimur inhonorari; quantò magis ardeamus pro Nominis Jesu, pro Nominis Redemptoris, & Salvatoris nostri? Scimus obligationem: ergo & reddamus.

Instructio meritoria.

Manè excitati genuflectamus versus quatuor mundi partes, cum omni veneratione, & desiderio gratulantes: Centies millies laudetur Sanctissimum, ac Dulcissimum Nomen Jesu! Per diem autem recitemus Officium minus de Eodem. Frater fratri congaudeat!

II.

Quis nostrum est, ô fili! qui non offendit sapientius admirabile Nomen Jesu? ô quantæ hæc irreverentia! ô quot

K 3 ad-

222 VI. Februarii. SS. Nominis Jesu.

admissi abusus ! Dies adest honoris, & gloriæ : tandem emendemus, & in omnem terram, quantum fieri potest, Nomen Salvatoris portemus, & promoveamus, verbô, & exemplô, plûs tamen exemplô. Qui Regem honorat, honorabitur ab eo.

Inſtruclio meritoria.

Præcipue satisfaciamus pro milieniis blasphemias, & detestandis injuriis, quibus Jesum impetunt obdurati Judæi Gentiles, & pessimi Christiani, compatiatur, & in honorem quinque Litterarum, quæ hoc sacrum exprimunt Nomen, recitemus 50. *Pater & Ave* cum Lytaniis de eodem. Amor non est, qui compati nescit.

III.

EStne Nomen aliud sub cœlo datum hominibus, in quo oportet nos salvos fieri? non est. Procul cum fastuosis, superbis, & elatis titulis! Sat in honore sumus, si humiles, si fortes, & magnanimi pro Nominе Jesu. Occasiones non desunt; patiamur, ut cum Jesu exaltemur.

In.



Instructio meritoria.

Quoties hodie transibimus Imaginem
Jesu Crucifixi, toties flectentes dicamus:
*Jesu Nazarene! Rex Judeorum! mi-
serere mei!* Et ut Deus augeat cultores
Sacratissimi hujus Nominis, hodiernam
Confessionem, & S. Communionem
cuin uno S. Rosario offeramus cum S.
Bernardo optantes:

*Jesum omnes agnoscite,
Amorem ejus poscite,
Jesum ardenter quærите,
Quærendō inardescite!*

Festum S. Romualdi S. Ord.

Camaldulensis fundatoris.

EXHORTATIUNCULA I.

Mirabilis Deus in vocationibus suis!
Interfuit Romualdus cædi alicujus.
Et ò digitum Dei! mox inter homines
vivere desiit, séque inter deserta, &
speluncas penitus sepelivit. Quotidia-
na, mi fili! cernimus mundi, & homi-
num pericula: & tamen non fugimus?
quàm justè timendum, ne incidamus.

K 4

Nun-